

Te Heheuraa Api

E ITE ʻĀ OUTOU I TE PARAU MAU, E NA TE PARAU MAU OUTOU E FAATIAMA

TE VEʻA A TE EKALEsia A IESU MESIA I TE FEIA MOʻA
I TE MAU MAHANA HOPEA NEI

NENĒIHIA I PAPEETE, TAHITI, I TE MAU AVAʻE ATOA

Te hoo: E 30 farane i te matahiti.

Nº 10

-- ATOPA 1952 --

MAT. 39.

TE FAAROO.

Te haapii nei te Ekalesia a Iesu Mesia i te Feia Moʻa
i te Mau Mahana Hopea Nei.

O te Faaroo nei o te parau matamua ʻia o te Evanelia
nei. Te na ô mai nei Iesu Mesia. *“Te faaroo e ua bapesi-
zihia, e ora ʻia, area o te ore e faaroo ra, a faahapahia ʻia,”*
Mar 16-16. Mai te metua, aita oia e mauruuru ʻia ore taʻna
tamarii ʻia tiaturi, e ia haapao i taʻna parau. Oiaʻtoa Te
Atua aita oia e mauruuru i te taata o tei ore i faaroo iaʻna
ra, Heb 11:6. O tei faaroo i te Tamaiti ra, e ora Mure
Ore toʻna; e o tei ore i faaroo i te tamaiti ra, e ore e ite i te
ora. Te vai ra ʻia te riri o Te Atua i nia iho iaʻná.

Mai te metua taata nei o tei imi i te mau raveaʻtoa e
maitai ai taʻna ra mau tamarii i te ao nei, oiaʻtoa hoi to
tatau Metua i ta ao ra.

No Toʻna aroha rahi, ua tonono mai Oia i Taʻna tamaiti
fanau tahi i roto i teie nei ao ei faaora no tei pohe, *“e e imi*

tei moe ra eia faaora." O te Evanelia a Iesu Mesia te ra-
vea a te Atua e ora'i te taata'toa nei, ia ore tatou i faaroo e
ia haapao i te reira, ua roohia tatou i te pohe Mure Ore.
Roma 1;6. Ia faaroo tatou i te Evanelia e tia'i. *Heb 4;2-4.*

E ao to'na o tei tupu to'na ra faaroo i te Evanelia e
ua haapao i te reira, ua riro oia ei hoa tauturu no te taata'-
toa. E faahanahanahia oia e te feia i faaroo ei faarii i ta'-
na ra parau, e te feia i roaa to ratou maitai na roto i ta'na
ra ohipa. *Roma 10:5 6.* E ia ore oia e roohia e te riri o te
Tamaiti ia tae mai Oia ra.

Ia fâ mai te Fatu ra o Iesu Mesia mai te ra'i mai, mai
Ta'na ra mau Melahi Mana atoa ra, ma te auahi ura ra, i
te tuuraa mai i te pohe i te feia aore i ite i te Atua, e tei ore
i faaroo i te Evanelia o to tatou Fatu, o Iesu Mesia ra, mai
te anaana o To'na ra mana."

E mana'o paruparu to te taata faaroo ore ia farerei
oia i te ohipa rahi aita oia e faaetaeta i to'na ra mana'o e
riro paha oia i te parau e, eita ia te reira e oti ia'u, e ua
haaparuparu, e ua imi te otoheraa, e na reirate taata faaroo
ore *Ruka 14:18-20*, e piti paeau to te mau ohipa'toa i te ao
nei, oia hoi te paeau anaana e te paeau pouri.

Te hi'o nei te taata faaroo ore i te paeau pouri e te
peapea na mua, e no reira te rurutaina noa ra ratou, area
râ e mea hape rahi te reira, no te mea te na ô mai nei te
Fatu, "eiaha e horuhoru to outou aau, e faaroo i te Atua e
faaroo atoa mai ho'i Ia'u," no te faaroo paruparu o te mau
Aposetolo, aita e tia ia ratou ia tiavaru atu i te demoni no
roto i te tamaiti lunati.

Ua avau atura Iesu ia ratou no to ratou faaroo ore, ua faaite atura ia ratou, "ahiri e faaroo to outou mai te hoê huero Sinapi te rahi, e tia ia outou ia parau noa'tu i teie Mou'a "a haere i ô atu," e nana e haere noa, e eita roa e mea e ore e tia ia outou," no te faaroo haraini o te mau Aposetolo, a pohe ai Iesu Mesia, ua moe te paeau hanahana a te Ekalesia a Te Atua ia ratou; ua hi'o ana'e ratou i te paeau pouri, ua mana'o ihora ratou ua mairi roa te ohipa a te Mesia, e ua fatata ratou i te ho'i atu i te ohipa i matauhia ra, oia hoi ravaairaa i'a.

I muri a'e ua fâ maira Iesu ia ratou, e ua tupu faahou to ratau faaroo i te rahiraa, e ua faaitoitoma te tamau maite i te ohipa i roto i te mau ati e rave rahi.

No te faaroo paruparu o te tamaiti apî i parauhia'tu ai e Iesu ia horoa'tu i ta'na mau tao'a atoa na te veve, ua hi'o oia i te paeau pouri, e te mau ati o te taata tao'a ore e ua moe ia'na te hanahana no te parahiraa maitai i roto i te Basileia o te ao ra, ua haere ê atura oia ma te oto rahi, *Mataio 19:21-23.*

E mana'o papu to te taata faaroo, e te vai ra te maitai rahi i mua e i nia hoi, e e roaa ia te reira i te taata faaroo, e te vai ra te maitai i nia, e no reira te tia tonono maite to'na mata i mua, mai te mau Aposetolo te tiatono mārô ra i te revaraa'tu o Iesu i nia i te ra'i ra. E'e ite atoa i te paeau anaana o te mau mea'toa.

Eiaha te paeau o te pouri ana'e eita te taata e tuu paruparu ohie i to'na ra mana'o tia, e tamau maite râ oia i te ohipa e tae noa'tu i te oti roa raa. A faaitoitohua'tu ai

e tae noa'tu i te roaa raa o te mea i titauhia.

E hapuraa ora to te taata faaroo i te tau ati. E metua mau ia Te Atua i nia i te ra'i i te mana'oraa o te taata faaroo.

Aita anei oia i mana'o mai i Ta'na mau tavini i te mau tau tahito ra i roohia mai ratou i te mau ati e rave rahi? E ua na reira mai hoi oia, ua faaue mai oia i te peropheta ra ia Elia ia haere oia i te hoê vahi moemoe parahi ai.

E ua faaue atura te Atua i te hoê manu e haere mai e faamu ia'na, e ua na reira hoi, e ua na reira atoa hoi i to'na ra tavini ia Daniela i tuuhia oia i roto i te apoo Liona, ua tono mai te Fatu i ta'na Melahi e nana i opani i te vaha o te mau Liona e aita ratou i rave noa'tu ia'na, e ua ora'tu-ra oia.

Te faaroo Ia'na ra e ore oia e faahapahia, tei ore i faaroo ra ua faahapa-ê-hia na ia, oia aore i faaroo i te io'a o te tamaiti a te Atua ra.

"E teie nei, o te faaroo e o tei haapao maite e tae noa'tu i te hopea ra, e ora ia."

Papaihia e Otelo Pereata

Te Amuiraa na te Feia Api no Tubuai

Ua faatupuhia te hoê Amuiraa na te Feia Api no Taahuaia i te 23 no Atopa 1952. I raro a'e ite faatererara a te Orometua faaue ra o Tu Keha â Menemene e to'na hoa Hinai Tiaki â Menemene, o tei arataihia e te Peresideniraa

no te feia
tane, e o
o Ane â
tauturu p

U.
mai to H
naho hia
hohoa e

E
Tumarae
himene n
piti na to
te oromet
neraa tar
ua faate
mua, te k
haere i m

Tu
e tamâ n
tufaa piti
ua fá ma
atura ia
to'na fan
mau fetii
ua tae i t

Ha
Mataio 2
vau ra te

no te feia apî, oia hoi, Refa â Tumarae Peresideni feia apî tane, e o Teriiteehu â Tumarae Beresideni feia apî vahine e o Ane â Nauta tauturu hoê, e o Teupoo â Tetuaheiporohaura tauturu piti.

Ua anihia na amaa i Mahu e Haramea e ua tae atoa mai to Huahine e to Mataura. E teie te mau ohipa tei faanaho hia no tana Amuiraa ra, oia hoi, te mau haapiiraa hohoa e te oriraa popaa, e te mau hoo raa na te feia apî.

E ua haamata hia i te hora 7 i te po, na Teriiteehu â Tumarae Peresideni feia apî vahine i aratai na roto i te reo himene na to Mahu, na Refa a Tumarae te pure, himene piti na to Haramea, ua tuuhia te taime i roto i te rima no te orometua faaue, i reira ua faatere hia te mau ohipa himeneraa tarava, e te mau himene kitara, na te mau amaa. E ua faaterehia te mau haapiiraa hohoa, te haapiiraa mata-mua, te hohoa ia no te fanaua o Ioane Papezito Ruka 1:5 haere i muri, e maha tufaa.

Tufaa matamua, Tataria raua o Elitapeta, aita araua e tamâ no te mea e u'i o Elitapeta, e ua ruhiruhi'a Tataria, tufaa piti, to Tataria pupu raa i te Tutia i roto i te Hiero, e ua fâ mai te hoê Melahi o Kaperiela to'na io'a, e ua parau atura ia Tataria e tô to vahine o Elirapeta. Tufaa maha, to'na fanau raa e te afa'iraahia'tu o te metua vahine e te mau fetii i taua tamaiiti ra i roto i te Hiero ia haamaitai hia ua tae i te vau o te mahana.

Haapiiraa piti, To Iesu tomoraa i roto Ielutarema Mataio 21:1-11, tufaa hoê, tei nia Iesu i te Ateni e te vau-vau ra te tahi pae i te abu e te taora ra te tahi pae i te mau

tiare huru rau mate parau e, Hosana te tamaiti a Davita, ia ora oia o te haere mai mate i'oa o te Fatu Hosana i te rati teitei. Ua tauturu hia e te pupu himene no Mahu

Haapiiraa toru, te Parapore no te ovine, *Mataio 21: 33-41*, tufaa matamua, te feia faapu i roto i te ovine, e ua tonono hia te mau tavini matamua i roto i te ovine e ua haru hia ratou e ua pehiehia i te ofai e taparahi pohe roa hia e ua hopara hia i rapae, e imuri iho ua tonono faahou hia te tahi mau tavini faahou e ua na reira hia'tu â ratou e te hopea ra ua tonono atura i ta'na tamaiti, ua na'o i hora oia e tonono vani i ta'u tamaiti e riro paha ratou i te faatura mai ia'na, ia ite maira ratou i taua tamaiti ra i te haere raa mai ua na'o i hora ratou o te taata ai'a teie ta tatou e taparahi ia'na a tapea mai a'i i te fenua, e ua haru atura ia'na pehi i hora i te ofai taparahi pohe atura ia'na e hopara atura i rapae.

Eaha atura te Fatu no taua ovine ra i ta'na mau taata faapu ra? Taparahi atura ia ratou i te pohe rahi ino atu ai i te ovine ia vetahi ê, o te hopea ia no te tufaa toru.

E ua faaotihia te haapiiraa hohoa na roto i te re'o himene, na to Taahuaia, e te pure hopea na Tinomana. Te ra ia te rahiraa o te mau taata tei tae mai e piti hanere e tiahapa.

E na faanaho faahou hia te mau parahiraa no te oriraa popaa, ua haamatahia na roto i te hoê pure. Ua faatere hia teie mau ohipa no na hora e pae mai tei au i faatia-raa a te Mutoi Farani, e piti hora no te mau haapiiraa hohoa e toru hora no te oriraa, e na faaotihia i te hora ahuru ma-piti.

T
i te paru
huru rau
maitaihi
e i na pa
te mau t
te mau t
nia, e ua
fare.

E
uru rahi
tai rahi
turu hia

E
ohipa, in
taata i ro
atu na ho
ahruru m
to ratou

No
maira ia
“I
Ekalesia

Te huru no te faaneheneheraa i te mau paruru, Imua i te paruru ua faanehenehe roa hia i te anuhe e te mau tiare huru rau e ua papai hia te i'oa, (*FEIA API*). O tei anai maitaihia te mau retera i te tiare Tipanie na roto i te anuhe e i na pae e piti ua paruru hia i te ahu e ua pine haere hia te mau tiare huru rau e ua firi hia te anuhe e ua anoi hia i te mau tiare e ua tunu hia ei aua no te hiti i raro e i te pae i nia, e ua faatautau hia te tiare na roto i te faatoaraa o te fare.

E te faaite atu nei te orometua faaue i to'na maururu rahi i to Tukuai o tei tauturu mai i teie mau ohipa maitai rahi o tei faatupu hia e te Peresideni raa no te feia apĪ, turu hia e te Peresideni amaa no Taahuaia Puna á Tahiaata.

Papaihia Tu Keha á Menemene

E Tuatiraa Teie Parau.

E parau huru maere mau teie i roto i teie nei mau ohipa, inaha, e faaueraa teie ia faatoroahia e toohitu nau taata i roto i te pupu o na Tino Ahuru ma Miti, ua oti é atu na hoi e toohitu i te faatoroahia i mua'tu e ua tae i te ahruru ma iva o te matahiti i to ratou raveraa i te ohipa o to ratou toroa e aore roa e heheuraa i horoahia mai.

No te faatoroaraa i teie nei mau aposetolo, te na ô maira ia o Iosepha tamaiti.

“E riro e i roto i te amuiraa i te matahiti 1852 o te Ekalesia “Faapihia” [na te parau tuatapapa ia i faaite

mai] te faatoroa-raa-hia vetahi mau apesetolo o te Ekalesia "Faapihia" ra. Maitihia ihora toohitu i rotopu i te hui taata o te mau peresibutero e te mau orometua o tei putu-putu atu i reira, maitihia ihora ratou e faataahia ihora no te toroa aposetolo." [E faufaa ore anei teie parau tuuhia mai [heheuraa]? E, e faufaa ore roa ia].

Iritihia no roto mai te mau buka minute no te haavaraa tiaaraa hiero, api 81.

Mai te mea ra e ua moe rii i te taata i horoa atu i te parau tuuhia mai i faahitihia i nia nei i te numera 4, pene 117, na Aposetolo e hitu o tei faataahia i roto i te matahiti 1852, e na Tino Ahuru ma Piti i faahitihia i roto i na parau tuuhia mai i te numera 1 e te numera 3.

Papaihia e Otero Pereata

O Zioana tei Vai i Mua ia Tatou Nei



Papaihia e Oresona F. Witene

Te faaite atu nei te Ekalesia a Iesu Mesia i te Feia Mo'a i te Mau Mahana Hopea Nei i te parau e, e haaputu-putuhia te mau tamarii a Iseraela e faatia hoi ratou ia Ziona na mua i te Meleniuma. Te reira ia te ohipa a taua Ekalesia ra. E haapii-haere ratou i te Evanelia mure ore i te ho-

peraa ma
ra. Te
mau tam
omuaraa
teata ora
tei maiti
atoa i ro
fenua ne
hia e te
raa i tau
E
e, e Atua
i te fenua
tae mai a
Ziona, ia
E
haereraa
hou "e a
matahia t
reira ia te
Mesia i te
Ia
teie nei p
a Iesu Mo
o ratou ia
ratou te h
roto i te t
mau taata

peraa mau i te mau tau ra. Inaha, eiaha te reira ana'e ra. Te vai atu râ te aanoraa i te parau haaputuputuraa i te mau tamarii a Iseraela i te mau mahana hopea nei. O te omuaraa parau ana'e ia te reira, oia hoi te haamataraa i teie teata ora nei. Te ohitiraa ia a te mau taata ohiti—o ratou tei maitihia e te Atua no te haaputuputuraa i te mau mea atoa i roto ia Iesu Mesia. Te mau mea i te ra'i ra e i te fenua nei. Te reira ia te ohipa te ravehia nei. Ua anoihia e te Atua, te mau melahi, e te mau taata nei i te rave-raa i taua ohipa ra.

E haaputuputuhia Iseraela na mua e tia'i, no te mea e, e Atua na Iseraela ia o Iesu Mesia o tei haere mai ei arii i te fenua nei; tei te mau tamarii a Iakoba i te farii ia'na e tae mai ai oia ra. E riro ia ratou ei feia aau mâ e tia'i, oia Ziona, ia nehenehe ia farii ratou i taua oroa mo'a ra.

E tae mai te Mesia i to'na iho mau taata mai ta'na haereraa i mutaa ihora; eiaha râ te mau taata e parau faahou "e aore to'na ihora mau taata i farii ia'na." Ua haamatahia te faaineine-raa-hia no to'na taeraapiti mai. Te reira ia te tumu no te mau ohipa atoa a te Ekalesia a Iesu Mesia i te Mau Mahana Hopea Nei.

Ia nehenehe ia roaa ia tatou te ite i te auraa mau no teie nei parau e haamana'o tatou e; te parau nei te Ekalesia a Iesu Mesia i te Feia Mo'a i te Mau Mahana Hopea Nei e, o ratou ia te huaai mau o te mau Patereareha Hepera. O ratou te huaai mau no Aberahama, Isaaka, e o Iakoba, na roto i te tauupu o Epharaima, o tei anoihia i rotopu i te mau taata'toa, "e au Epharaima i te pane aore i faaniahia

ra." (Hosea 7:8.) O Epheraima te tamaiti matahiapo a te Atua i te ohipa haaputuputuraa a Iseraela, i te faatiafaahu-raa i Ziona.

Ua topa-noa-hia i nia iho ia Iosepha Semita, te hoê huaa mau no Iosepha i hoochia i Aiphiti, "i te ohipa e hopoi i te tahi tapao no te mau fenua i nia ra." (Isaia 11:12.) E haamata hoi ta'na ohipa i teie nei fenua oia hoi te fenua a Iosepha, i te mea e, ua faaho'ihia mai te mau taviri no taua ohipa ra. B. F. 110:11-16.

Aita i oti ia Iosepha te haaputuputuraa i to'na iho opu, oia hoi o Epheraima, i pohe ai oia. Inaha, e haere noa â taua ohipa i haamatahia ra e tae noa'tu ia haaputupuhia te mau opu atoa a Iseraela. E ua faaineinehia te ao nei no te tae-raa-piti mai o te Mesia.

Aita i tae hoê matahiti i muri iho i te faatiaraa i te Ekalesia i faatiahia e Iosepha Semita ua faaite mai oia i te vahi e faatiahia Ierusalema Apî, e te huru no to'na faatiaraa. Te pae tooa o te râ i te tufaa fenua Missouri ia taua vahi ra. Na ô maira te re'o a te te Atua e, ua parau vanu te Fatu, e haaputu mai outou mai te mau fenua i te hitia o te râ mai, a haaputu mai outou ia ratou iho e te mau peretiputero no ta'u ekalesia, a haere tia outou i te mau fenua i te tooa o te râ, a tiaoro atu i to reira mau taata ia tatarahapa, e ia tatarahapa ratou, e patu outou i te hoê mau ekalesia na'u. E mai te aau hoê e te mana'o hoê, a haaputu i ta outou mau faufaa e noa ia outou ia hoo i te hoê ai'a o te faaitehia'tu ia outou i muri a'e. E topahia ia i te Ierusalema Apî, e fenua no te hau, e oire haapuraa, e vahi pea-

pea ore
hanahan
reira e
hoi oia
o te feia
tupu, e
i reira u
mau tas
E parau
i Ziona,
reira e
te feia p
tatou i
B. F. 45
rero no
Atua, o
ta'u ra f
ri, o te
turaa m
uhia ma
ira te Fa
nei te pa
In
o ropu n
te râ tei
reira e n
e te vah
mau e t

pea ore no te Feia Mo'a o te Atua teitei ra. Ei reira hoi te hanahana no te Fatu, ei reira te mata'uraa i te Fatu, no reira e ore te feia rave hara e tae atu i reira; e e topahia hoi oia ia Ziona, E tupu hoi teie i roto i te feia rave hara, o te feia atoa o te ore e rave i te 'o'e ei tairi i to'na taata tupu, e horo tia ia ia Ziona ia ora. E haaputuhia mai hoi i reira no te mau nunaa atoa i raro a'e i te ra'i nei, e o te mau taata noa iho ia o tei ore i aro atu te tahi e i te tahi. E parau hoi te feia rave hara, eiaha tatou e haere e aro atu i Ziona, e feia mata'u-rahi-hia hoi to Ziona mau taata, no reira e ore tatou e tia. E tupu hoi teie, e haaputuhia mai te feia parau tia no te mau nunaa atoa, e e haere tia mai tatou i Ziona mai te himene i te himene oaoaiaa mure ore. B. F. 45;64-71. A faaroo mai o outou e te mau peresibu, rero no ta'u ekalesia, te na reira maira te Fatu to outou Atua, o outou o tei haaputu mai ia outou iho mai te au i ta'u ra faaueraa, i roto i teie nei fenua, oia hoi te fenua Misouri, o te fenua hoi ia ta'u i faataa e i haamo'a hoi no te haaputuraa mai no te Feia Mo'a. No reira o te fenua teie i parauhia maira, e te vahi ia no te oire o Ziona. E te na o maira te Fatu to outou Atua; E farii outou i te paari ra, tei o nei te paari.

Inaha, i te vahi i parauhia i teie nei ia Inidipenideni, o ropu mau ia, e te vahi no te hiero tei te pae ia i te tooa o te ra tei te ho'e vahi aore i tea e atu i te fare haavaraa. No reira e mea tia ia hoohia te reira fenua e te Feia Mo'a; e te vahi atoa i te tooa o te ra, e tae noa'tu i te otia mau e taa ai i rotopu mau i te ati Iuda e te Etene. E ua

parauhia ratou te Feia Amuihia. Teie te taviri parau no te reira "O Ziona teie, TEI MATE AAU RA." B. F. 97;21.

E ere ia Ziona e tufaa fenua ana'e, e amuiraa taata râ e to ratou huru ora nei. "*E ao to tei mâ te aau: e ite hoi ratou i te Atua.*" *Mataio 5:8.*" E o ratou ana'e te ite i te Atua. E tairuru te feia o tei mâ te aau i Ziona no to ratou iteraa i te Atua. Teihea Ziona? maori râ Amerika Apatoa, e o Apatoerau." (Parau Tuatapapa no te Ekalesia Buka 6 i te Api 318-319.) To'na pû râ te Jackson County Missouri ia.

Ua haamo'ahia e ua afaihia'tu Ziona tahito, oia te oire no Enoha—no ta ratou haapao maitai i te ture no te haamo'araa. E ua tuu te Atua te io'a o Ziona i nia iho i to'na ra mau taata. No te mea e, hoê â aau, e hoê â mana'o to ratou ia ora ratou mai te parau-tia. E, aita hoê i veve i rotopu ia ratou. Ua a'o noa â Enoha i te mau taata a te Atua mai te parau-tia. E ua tupu maira i roto i to'na pue mahana ia faatia oia i te hoê oire, o tei parauhia e oire parau-tia—oia o Ziona.

E ho'a ino mae, a-hiri tatou i ta hoê i to tatou haapao raa, ua riro ia tatou mai Enoha ma, ua Ziona ia to tatou ao nei.

Papaihia to outou taeae i te Faaroo nei Pou Moo.

Te Tere Misinare.

I to maua tere Misinare i Tubuai, ua tapae atu maua i te mahana matamua no Me, i te matahiti 1952. Ua paraahi maua i tana fenua ra, e 5 ava'e 27 mahana.

Parahi a'i maua i reira, na haati noa maua i teie fenua i te mau hepetoma atoa, e ua farerei noa maua oto'u hoa, i te mau utuafare atoa o te Ekalesia, e tae noa'tu i to rapae. Ia tae râ, i te hoê mahana ua farerei atu vau i te hoê taata Sanito, e ua paraparau rii noa maua no nia i te mau huru o te fenua, e no te mau taata, e no te mau faaroo e vai i taua fenua ra. E ua haamata ta maua paraparauraa i nia i te huru no te tiaraa o te Sanito, e te Momoni, ua ui mai ra oia ia'u i te tahi na uiraa, oia hoi. 1, Eaha te mahana i faatiahia'i ta outou Ekalesia? 2, No vai te Peropbeta ra o Iosepha Semita?

Ua feruri noa i hora vau i huru no taua na uiraa ra, e ua mana'o i hora vau ê, mai te mea aita ona e mauruuru i ta'u pahono raa, e riro paha ia oia i te maro noa mai ia'u, e no te reira vahi. Ua na ô atura ta'u pahono raa, a tai'o oe i roto i ta outou Buka Fafau, ei reira oe e ite a'i i te pahonora a tano maitai, ei reira oe e mana'o ai e, ua haavarehia oe, ua na'o maira oia, na reira ia.

Ia tae ra i te tahi na hebetoma i muri mai, ua farerei faahou atura vau i taua taata ra, i nia i te purumu, aroba atu nei au ia'na, na ô atura vau ia'na, te haamana'o ra â nei oe i tataua paraparauraa i teie hebetoma i mairi a'e nei, ua pahono maira taua taata e, parau atu nei au ia'na, na tai'o ra oe i te buka fafau? pahono maira oia aita. Ani atu nei au ia'na, haere mai, e haere taua i to'u fare, ua na reira maua, ia tae râ i roto i te fare, ua parahi i hora i raro, na rave atura vau i te buka fafau Sanito tuu atura i nia i te airaamaa i mua iho i taua taata ra, e heheu i hora maua e

tai'o ihora i te pene 109:9. Teie te tai'oraa. *Inaha, te pure nei au i te Atua no outou atoa, ia hope outou i te faaorahia, e te papai hia nei au ia'u iho ei tavini no outou i roto i te Fatu, ei Peropheta e te hi'o no te Ekalesia a Iesu Mesia i te Feia Mo'a no te Mau Mahana Hopea Nei. Iosepha Semita.*

E ia oti tamaua tai'oraa, ani atu nei au ia'na, ua papû anei ia oe e no te Ekalesia a Iesu Mesia i te Feia Mo'a no te Mau Mahana Hopea Nei taua Beropheta nei? Pahono maira oia e. Heheu faahou ihora vau i te pene 17:1, e ua horoa atura ia tai'o, e teie te tai'oraa. *Te faatiaraa no te Ekalesia a te Mesia i teie nei mau mahana hopea, oia hoi hoê tauatini e vau hanere e toru ahuru matahiti mai te tae raa mai i roto i te tino taata to tatou Fatu e to tatou Faaora o Iesu Mesia. Ua faatiahia e ua faatumu hia mai te au i te ture no to matou fenua, na roto i te hinaaro e te faaueraa a te Atua i te maha o te ava'e i te ono no te mahana, no te ava'e o tei parauhia e o Eperela. Ua parau faahou atura vau ia'na ua papû anei ia oe te mahana e te ava'e e te matahiti i faatiahia i ta matou Ekalesia? Pahono maira oia e, parau atu nei au ia'na, eaha ra ia to oe mana'o? Pahono maira oia aita hoi ua papû atura ia ia'u te parau mau. Parau atura vau ia'na na roto i te parau hoata, i te na'oraa'tu e, ite noa â oe. e papû noa'tu â e ore â oe e faarii mai, ata atura mana, aroha maira ia'u, haere atura i to'na tere,*

Ahi'o na tatou i te huru no te mau taata o tei vare noa i te mau haapiiraa haavare, te mana'o ra ia ratou e, o te Ekalesia Sanito, oia hoi te Ekalesia faapi hia, tei faatupu

hia i te 6
ratou ma

E
peapea i
na Hikue
No te pa
'tu ta ou
nei.

Ua
matamua
mauhaa
nei i Oro
tei roohia
na nia i
'tura i to
Pereata,
ra mau n
mau hou
no te har
reira, e n
Ua mauri
nehenehe
I t

hia i te 6 no Eperela, mai te au i te haapiiraa haavare a to ratou man taata faatere.

Papaikia e Tu Keha'â Menemene.

E Parau Api no te Misione

E to matou mau hoa tai'o ve'a ê. Eiaha outou e peapea i teie nei ve'a taere. Ua hoi mai nei o Pou â Moo na Hikueru, no reira, e haamata-faahou-hia te neneiraa. No te pahi ore i taupupuhia'i to'na hoiraa mai. E tae noa-tu ta outou ra mau ve'a ia outou i teie mau ava'e i mua nei.

Ua tae mai na te hoê rata nô ô mai i te peresideniraa matamua ma te faaite e, te horoa'tu nei te Ekalesia i te mau mauhaa atoa no te fare hamaniraa niho apî o tei faatiahia nei i Orofara. Ei tao'a aroha te reira na te mau taata o tei roohia i te ma'i oovi. Ua tae mai ia te reira mau ohipa na nia i te pahi hopea a'enei na Marite mai, e ua pupuhia-tura i to Orofara, e to tatou peresideni Misione o Otero Pereata, ma te aroha, e te tiaturi e, e haamaruhia to ratou ra mau mauini e te ati. Ua faariiha te hoê parahiraa, e te mau hou, te faahohoni, e te mau ohipa' huru rau atoa hoi no te hamaniraa i te niho. Ua na ô maira te taata faatere i reira, e mau tao'a faahiahia mau ta te Ekalesia i horoa'tu. Ua mauruuru te meloraa atoa o te Ekalesia i te mea e, ua nehenehe ia tatou ia tauturu.

I te 8 no Novema i hoi mai ai to tatou peresideni Mi-

sione, e na Orometua o Jaiy raua o Dick, na Hikueru. Tei reira hoi ratou no te Amuiraa Atopa. E rave rahi te taata hopu i reira e e Amuiraa maitai roa tei faatupuhia e to te meloraa.

E mea faahiahia te mau haapiiraa hohoa e te mau pureraa atoa. Ua manuia roa ia ta ratou ra mau ohipa. Te haamauruuruhia'tu nei te mau taata o tei faariro i to ratou faaearea ei mea oaoa. Ua vaihohia'tu na orometua o Tihoti Birini raua o Robert Steed i Hikueru.

Ua tae atoa mai te parau apî no te Amuiraa tei faaterehia i Tubuai, e Takaroa, e mea maitai roa ia.

Ua hoi mai Tu e o Tiaki a Menemene i Papeete nei. e pae ava'e e piti ahuru mahitu mahana to raua faaearea orometua i reira.

E mea maitai atoa te mau ohipa tei faaterehia i te Amuiraa i Papeete nei. E te faaineine noa nei te mau pupu ohipa, i te tahi mau haapiiraa hohoa, no teie mau mahana i mua nei. To Papeete e to Arue, e to Paea hoi.



ra, te
E na t
nei te t
ta'na r
marô r
pota.
haehaa
Atua.
teie ati
nei au i
oraraa.
maro.
ata poin
I
ihoa ia
e faatu